

حقوقی بیلگیلر مجموعه سی

هر آياك اون بيشده نشر اولتور

ایتمه مکده و بر محل محکمه سی طرفدن وضع ید احتمالی منسلب اولمادجه دیگر محکمه لر عینی صلاحیتی حائز بولونما مقده در .

مع مافیه محکمه نك حقوقاً و یا فعلاً وظیفه قضائیه سی ایفا ایدیه میه جك بر وضعیتده بولندینی تقدیرده کندیسندن یو کسك محکمه تحقیقات و یا محاکمه یی بشقه محل محکمه سنه نقله صلاحیتداردر .

وظیفه اعتراضاتی رأساً تدقیق ایدیه جکی کی دعوانك هر صفحه سنده در میان اولنه بیلیر . بالمقابل صلاحیت اعتراضاتی تحقیقات ابتدائیه نك ختامندن اول و تحقیقات ابتدائیه جریان ایتمه مش ایسه تحقیقات نهائیه به ایتداردن اول در میان اولونمق ایجاب ایدر .

بولندن ماعدا محل اعتباریه صلاحیتدار اولمیان محکمه نك یاپدینی تحقیقات مجرد عدم صلاحیت دولایسیله کأن لم یکن عد اولمیه جنی حقنده قانونده صریح بر حکم وارددر . حقوق فاکولتسی مدرسلرندن آووقات

مرورت فرید

حقوق بیلکیلر جمعیتك ۱۷ مایس ۹۲۸ بخشه کونکی اجتماعنده پولیچه لرده مرور زمان حقنده برنجی تجارت رئیس اسبقی احمد اسعد بك طرفدن احضار و قرائت ایدیلوب طویلان ضبطلردن استفاده ایدلك صورتیه کچن نسخه مزده منتشر تبك بعضی قسملرنده نقایس و خطیثاتك موجودتی آکلاشلمش و تصحیحاً احمد اسعد بك افتدی طرفندن قلمه آلتان اشبو نسخه مزده درج ایدلمشدر .

— پولیچه مرور زمانی حقنده —

تدقیق استهداف ایدیلهن مسأله شودر :

تجارت قانوننك ۵۹۷ نجی ماده سنك اوچونجی فقره سی [جرائطه لرك یكدیکری علیهنه و یا بونلرك کشیده جی علیهنه اقامه ایدیه جکی دعوی جرائطه نك پولیچه یی تأذیه ایتدیکی یا خود کندی علیهنه اقامه دعوی اولوندوغی تارنخدن اعتباراً آلتی ماه مروریه ساقط اولور] حکمی احتوا ایتمکده در .

حال بوکه بر پولیچه ده بالفرض یکریمی ، اوتوز الخ ... جرائطه موجود اولایبیر ، هر جرائطه ایچون آلتی ماه مدت قبول ایدلمش اولمسنه نظراً اشبو فقره قانونیه ده کی مدتك اون ، اون بش الخ ... سنه به بالغ اولمسنه بر مانع یوقدر . حال بوکه بالنتیجه

حادثه‌نك يا كشيده‌جي به ويا قبول ايدن كيمسه به انتقال ايدم‌جي طبعيدر . فقط قبول ايدن كيمسه ايجون اوچ سنه (۵۹۷ نجی ماده فقره ۱) و كشيده‌جي ايجون ده بر سنه (عینی ماده فقره ۲) مدت واردر . شو حالد ۸ جرائطه‌نك موجوديتی فرض ايدر ايسه ايلك جرائطه به مراجعت اوچ بچق سنه صو كرا كله جك و بناء عليه اوده كشيده‌جي به ويا قبول ايدن كيمسه به امكان مراجعت بولاميه جقدر . ديمك كه ۵۹۷ نجی ماده بالضرور كندی كندی ايجا ايدن بر تناقض ايجنده قالور .

تجارت قانونمزك بو خصوصه متفرع احكامنه هيچ برماخذ قبول ايتمز و مرور زمانه دائر اولان ماده‌ني مستقلاً نظر دفته آلير ايسه تسليم ايتلی زكه بو تناقض موجوددر . و بوندن قور توله‌نك ده امكاني يوقدر . متك صراحت ظاهره‌سي بو تناقضی احتوا ايدور . مسأله‌نك قانونی جهتی بر طرف ايدرك اول امرده حقوقی صفحه‌سی تدقيق ايتديكمز زمان ينه عینی نتیجه به واريوروز؟ فی الحقیقه :

واضع قانون سندات تجاریه عنوان عموميسي تحتنده اوچ نوع سنددن بحث ايدیور :

۱ -- پولیچه

۲ — امره محرر سند

۳ — چك

چك، كورولديكینده تأديه‌سی لازم لكسنه نظراً بر واسطه تأديه‌در .

امره محرر سند، مضیسنك اعتبارينه استناداً معين بر مدت ظرفنده نقد كی تداول و مدتی ختامنده نقده تحول ايدر ، ديمك كه بر واسطه تداولدر .

پولیچه ده مسأله ده كیشيور . چونكه پولیچه‌نك احداثه سائق اولان عامل بستیون باشقادر . ايی فرد آراسنده‌کی معامله‌دن دولایي « تقاص و محسوب » نظريه‌سنك قبولی استلزام ايدن عامل نه ايسه پولیچه‌نك احداثه عامل اولان ده اودر .

سزدن يوزليرا مطلوبه مقابل سزه عینی مقدار بورجم اولورسه سزه بورچی تسويه وبعده آلاجمی استيفايه لزوم قلماز . هر ايکی آلاجمی يكدیكری اطفا ايدر . ايشته هر هانکی بر پياسه‌نك ديكر پياسه اوزرينه اولان بورچی ده ياره‌نك نقلی كلفته حاجت قالمسزين تقاص و محسوب ايديله بيلمه‌نی تأمین ايدن واسطه به پولیچه دیوروز . [۱] ديمك كه پولیچه‌نك اك مهم خصوصیتی نقل نقوددر .

شو صورتله سندات تجاريه نك ماهيتنى تثبيت ايتد كدن صوكره بخموزه رجوع ايدى بيليرز.

تجارت قانوننك ۵۲۷ نجى ماده سنده بر پولچه نك احتوا ايتسى لازم كلن قيود تصریح ايديلشدر. ايشو قيود آراسنده [بلا قيد و شرط معين بر مبلغ تأديهسى ايچون توكل اده موجوددر. توكل ايدن كيمسه يه كشيده جى قبول ايدن كيمسه يه مخاطب و كل اولان كيمسه يه حامل ديورز.

تماماً پولچه ساحه سته كيرمك ايچون و كل اولان شخصك (يعنى حاملك) موكلنه يعنى (كشيده جى يه) مخاطبدن آلاجنى مبلغك معادلنى ده ويرديكى فرض ايتمكه مجبورز. بر مجبوريت پولچه نك ماهيتنده مندرجدر. [۲] شو حالده مخاطبدن باره يى تحصيل ايدمه يى حامل موكللى اولان كشيده جى يه حقوقاً حق رجوعى واردر. حالبوكه بو حق رجوعك استعمالى ايچون بر سته مدت تعيين اولونمشدر. بو مدتك مرورندن صوكره آرتق و كلك حق رجوعى قالمايور. كورولوركه جرائنه نك تعدادى حالنده هر جرائنه ايچون مستقلاً آلتى آى مهل قبول ايديله جك اولورسه ايلك حامل محل استفادن تماماً محروم قالاچقدر. آلتى آى مهلك عدم قبوله ايسه صراحت قانونيه بر مائع تشكيل ايدىيور. بناء عليه نه كجى بر صورت حل بولمى يز؟ سؤالى مواجهه سنده قاليورز. تجارت قانوننك سندات تجاريه فصلى ۱۹۱۲ نه سنده لاهيده انعقاد ايدن و چك پولچه الخ... يه متفرع احكام حقوقيه نك توحيدينه متدائر اولان قونفرانسك احضار ايتديكى پروژهدن اقتباس ايديلشدر. مذكور پروژهدنك پولچه مرور زمانه متدائر ۸۲ نجى ماده سنى نقل ايدىلم:

فقره ۱ — پولچه دن متولد اولارق قبول ايدن و مخاطبه آوال ويره ن كيمسه لر عليه نده كى كافه دعاوى حلول وعده تاريخندن اعتباراً ۳ سنه كچمكله مرور زمانه اوغرار.

فقره ۲ — حاملك جرائنه لر و كشيده جى ايله كفييلارى عليه نه اقامه ايدى جكى دعاوى حلول وعده دن ويا وقت معينده تنظيم ايديش اولان يروستو تاريخندن اعتباراً ۶ آى كچمكله مرور زمانه اوغرار.

فقره ۳ — جرائنه لك يكديكرى ويا كشيده جى عليه نه اقامه ايدى جكلى جرائنه نك پولچه نى تأديه ايتديكى ويا قبل التأديه عليه نه اقامه دعوى اولوندوغى تاريخندن اعتباراً ۶ آى كچمسيله مرور زمانه اوغرار.

- فقره ۴ — مرور زمان قطعی مستلزم معامله کیمک علینه یا پائش ایسه آنجاچ اونک حقنده حکم افاده ایدر .
- فقره ۵ — پولیچه بدلای تأدیه ایدن ویاعلینه اقامه دعوی اولونان هرمنضی ۵۵نجی ماده ده محرر مدت و شرائط دائره رسنده کندی جرائطه سنه کیفیتیی بیلدیرمکه مجبوردر . بو اخباره مطلع اولان جرائطه ده متقدم جرائطه یه ابلاغ کیفیت ایدر . کشیده جییه وارنجیه قادار بوموال اوزره معامله یاپیلیر .
- اشبو ماده نك صوك فقره رسنده موضوع بحث ایدیلن ۵۵نجی ماده یی کوزدن کچیرم : فقره ۱ — حامل، پروتستو ویا مصرف سر اعاده سی مشروط ایسه ابراز کونی تعقیب ایدن ایکی ایش کونی ظرفنده عدم قبول ویا عدم تأدیه کیفیتلری کندی جرائطه سنه بیلدیرمکه مجبوردر .
- فقره ۲ — هر جرائطه عینی مدت ظرفنده متقدم جرائطه یه کندیسنه واقع اولان اخبارك صورتی ابلاغه مجبوردر . بومدت هر جرائطه ایچون اخبارك کندیسنه وقوع بولدوغی تاریخدن اعتباراً جریان ایدر .
- فقره ۳ — بوندن ماعدا حامل دوت ایش کونی ظرفنده عدم تأدیه کیفیتیی دوغروندن دوغرویه کشیده جییه ابلاغ مجبوریتقنده در .
- فقره ۴ — بو اخبارلر تعهدلی مکتوبله یاپیلیر . مکتوبك اشبو مدت لر ظرفنده پوسته خانه یه تودایی کافیدر .
- فقره ۵ — مرسل الیه طرفندن مورخ اولارق امضا ایدیلن بر مقبوضه خصوصی اخبار اثبات اولوناییلیر .
- فقره ۶ — جرائطه لر دن بری آدره سنی یازمادینی ویا امضاسنی اوقونماز بر شکله آتدینی تقدیرده اخبار اوندن اولکی جرائطه یه یاپیلیر .
- فقره ۷ — عدم تأدیه کیفیتیی وقتنده اخبار ایتمه یین کیمسه نك حتی ضایع اولماز (n'encourt pas de déchéance) . فقط بواهمالدن دولای بر ضرر تولد ایتمش ایسه او ضرری ضامن اولور .
- اشبو ماده ایله تجارت قانونك ۵۷۱نجی ماده سی آراسنده کی مشاهت شایان قیددر . فقط بونقطه یه تماس ایتمدن اول پروژمك مواد معروضه سنه مختلف حکومتلر طرفندن واقع اولان تعدیل تکلیفلری کوزدن کچیرمکی فائده دن خالی کورمدم .

آلمانیا حکومتک ویدیکی مقابل پروژده ۵۵ نجی مادهنک ایکنجی فقرهسی مقامه
[هر جرائنه عینی مدت ظرفده متقدم جرائنه آلدینی اخبارله برابر اخبارده بولونان
اولکی جرائنه لک اسمارینی و آدره سارینی بیلدیرمه مجبوردر. کشیده جییه قادر بوموال
اوزره معامله یاپیلیر. مدت کندیسنه اخبارک وقوع بولدوغی تاریخدن باشلار]

جمله سنک و ۴ و ۵ نجی فقره لر مقامده

[مدنک محافظه سی اخبار مکتوبنک قانونده معین مدت ظرفده پوستیه تودی بی ایله
قابلدر. تمه دلی کونده رله یه ن مکتوبدن متولد ضرر مرسله عابدر]
حکمنک اقامه سنی تکلیف ایتشدیر .

بوندن ماعدا مرور زمانه متعلق اولان ۸۲ نجی مادهنک فقره رابعه سنده [مرور
زمان قطعی مستلزم معامله کیمک علیهنده یاپیش ایسه آنجاق اونک حقنده حکم افاده
ایدیر] ده نیلوردی . حال بوکه آلمانیا حکومتک مقابل پروژده سنده مرور زمانک قطعی
مستلزم اسبابک ذکر ایدیله می و بو خصوصک هر دولتک قانون خصوصیه تودی بین الملل
برقابلیت تداولیه یی حاز اولان پولیچرلر ایچون مهم بر نقصان اولق اوزره کوسترلمشدر .
بناءً علیه مرور زمانی قاطع اسبابک تحدیدی برشکاده ذکر ی طلب اولونیوردی .
اوستریا حکومتی ۵۵ نجی ماده حقنده هیچ بر تعدیل تکلیف ایتمه مش و ۸۲ نجی
ماده ایچون آلمانیا نک نقطه نظری التزام ایتشدیر .

مجارستان حکومتی ۵۵ نجی ماده ده کی اخبار کیفیتک پروتستوی کشیده یه مأمور
اولان مقام طرفندن یاپیشی تکلیف ایتش و ۸۲ نجی مادهنک ده مستقل اوچ ماده یه
تقریقی ایسته مشدر . چونکه :

اول — بین الملل معاملانک انکشافی نظر دفته آلتیرسه ۸۲ نجی مادهنک برنجی
فقره سنده کی ۳ سنه مدنک پک فضله اولدوغی آکلایلیر . آلمان قانون مدنیسی ۱۹۶ نجی
ماده سی ایله معاملات روزمره نک برچوغنی ایکی سنه لک مرور زمانه تابع طوتمشدر .
بواساسک قبوله سائق اولان فکر یالکز انضباط عدلی ملاحظه سی ده کیلدی ؛ قره دی
معاملاتی کچی اوسنه نک وارداتیله اطفاسی اقتصادیات نقطه سندن لازم اولان بر معامله نک
اوزون بر مرور زمانه تابع اولسی ثروت عمومی یی ته لکه یه سوق ایده بیلردی [۳] . ایشه

C. Cix. aili publié par le comité de législation étrangère Toue [۴]

آلمان قانون مدنیست که حین تنظیمند (۱۸۹۶) وارد اولان بوملاحظه معاملاتک کثرت و وسعت حاضر سنه نظراً بو کون دها فضله سیله وارددر . بناءً علیه اوچ سنه لک مدتک بر سنیه تنزیلی لازم کلیر .

ثانیاً — بولیچه دن متولد تمهدات متسلسله قبول ایدن کیمسه لهنده کی مرور زمان مدتک دیگر اصحاب تمهدک تابع اولدوغی مدته تنزیلی شایان نمی در . بو ، یالکتر مرور زمانک مدته ده کیل مبدأ نه ده شامل اولمیدر . بناءً علیه هر هانکی بر آلاجلقی ایچون حق دعوی تحقق ایتدیکی آندن یعنی حلول وعده دن اعتباراً مرور زمان جریان ایتلیدر . واقعا قبول ایدن کیمسه نک — تمهدنده مندیج اولان وجیهه نک ماهیته نظراً — کشیده جیدن فضله بر مرور زمانه تابع اولمی لازم کلیر . فقط بالعموم منفعتلره حاکم اولان اسباب اقتصادی مخاطبک ده منفعتنه حاکمدر . بوسیدن قبول ایدن کیمسه لهنده دخی بر سنیه مرور زمان کافی کله لیدر .

هر نه قادر بولیچه نی قبول ایدن کیمسه جرائطلرک عددینی بیلمدیکی فرض اولونا بیلیر . وایشته بو احتمال نظر دفته آلدینی ایچوندر که پروژده مخاطب ایچون ۳ سنه لک مرور زمان قبول اولونمشدر . فقط بومطالعاه بولیچه ده کی بالعموم اصحاب تمهد ایچون وارددر . فی الحقیقه مسأله برتحلیل حقوقیه تابع طوتولورسه کورولور که هر هانکی بر جرائطلرک معروض مطالبه اولمی مدیون اصل بولونماسندن دولایی ده کیلدر . بناءً علیه کندیسنه متوجه مجبوریته ادا ده کی وضعیتی فرعیدر . اصل مدیون قبول ایدن کیمسه در . شو حالده مدیونک نه قادر مدت ظرفنده مطالبه دن وارسته قالا جغنی بیلمسی نه درجه لازم ایسه کفیلک بیلمسی ده او درجه لازمدر . ایشته بوسیدن دولایی پروژهنک ۸۲ نجی ماده بی منفعتلری تنظیم ایده بیله جک ماهیت عرض ایتیمور .

ثالثاً — مخاطبه متوجه وجیهه نک خصوصیتی بوباید کی مرور زمانک ۳ سنیه ابلاغی ایله بر طرف اولمایور . چونکه مادامکه بر بولیچه اوزرنده کی جرائطلرک تحدید عددینه امکان یوقدر ؛ احوالده ۳ سنه نک قبوله سائق اولان ملاحظه هیچ بر زمان تطمین ایدیله من . بناءً علیه بوخصوصده کی دعوالرک نهایت بر مدت معینه ظرفنده اقامه سنیه مانع اولمی اقتضا ایدر . ایشته بوسببه مبنی در که صورت عمومیه ده اولارق بولیچه یه متفرع کرک رجوع و کرک استیفا دعوالرینک حلول وعده دن اعتباراً ۳ سنه ظرفنده مرور زمانه اوغرایه جغنی تبلیت ایتلی یز .

رابعاً — مرور زمانی قطع ایدن اسباب تحدید ایدیلدکجه عالم تجارتك پولیجه لرده کورمك ایستدیکی امنیتی تأمین ممکن اولاماز. بناءً علیه مرور زمانه متدائر احکامك نویسی مقتضیدر.

ایشته پروژهنك موضوع بحث ایستدیگمز ایکی ماده سی حقنده اك اساسلی تعدیل تکلیفلری بونلره منحصر قالمقده در.

شیمدی بو ماده لرك مذاکره ضبطلرینی تدقیق ایدلم:

۵۵ نجی ماده — موسیو لیون قان بو ماده ده کی مدتك دوت کونه ابلاغی تکلیف ایتمش و تکلیف واقع مجارستان و ژاپونیانك مخالفته و آلمانیا، آوستریا، دانیمارقه و انکلتره نك استنکافه مقابل ۱۲ رأی ایله قبول ایدیلشدر.

موسیو مایه ر ماده نك صوك فقره سنده کی ضرر و زیان مقدارینك پولیجه بدلنی اصلا کچه مه مسی لازم کلدیکنی تکلیف ایتمش و بو تکلیف متفقاً قبول اولونمشدر.

ایشته بو بابده کی مذاکرات و اتخاذ اولونان قرارلر نظر دفته آلیرسه پروژهنك ۵۵ نجی ماده سنك علی التقریب تجارت قانونمژك ۵۷۱ نجی ماده سنه انقلاب ایستدیکنی کوروروز. ۵۷۱ نجی ماده:

فقره ۱ — حامل پروتستو کونی یا خود پوایچه ده مصرفسز اعاده اولوناجنی شرطی موجود ایه ابراز کونی تعقیب ایدن دوت ایش کونی ظرفنده عدم قبول و یا عدم تادیه کیفیترینی کندی جرآنطه سیله کشیده جی به اخبار ایتمه که مجبوردر.

فقره ۲ — کندیسنه اخبار واقع اولان هر جرآنطه آلدینی خبری ایکی کون ظرفنده کندیسنه اخبار ایده نلرك اسم، آدره سلیرنك دخی علاوه سیله کندی جرآنطه سنه بیلدیرمه که مجبوردر.

فقره ۳ — کشیده جی به وارنجیه قادار بو منوال اوزره معامله ایدیلیر.

فقره ۴ — وعده ایلك خبرك آلدینی تاریخدن اعتباراً جریان باشلار.

[بو فقره نك اصلی شودر:]

Le delai court de la reception de l'avis précédent

بناءً علیه فقره قانونیه نك اصلنه مطابقی ایچون «بو مدت هر جرآنطه ایچون کندیسنه اخبارك وقوع بولدوغی تاریخدن اعتباراً جریان ایدر» شکلنده تثبیت ایدیللی ایدی. فقره

قانونیه‌ده‌کی (ایلاک) قیدی برنجی اخباره معطوف اولوق لازم کلیور. بو تقدیرده ایسه ماده‌نک فقره ثانیه‌سک قابلیت تطبیقه‌سی قالماز.

فقره ۵ — بر جرآنطه آدره‌سنی هیچ یازماش یاخود اوقونسی ممکن اولمایه‌جق صورتده یازماش ایسه اخبارنامه‌نک آندن مقدم اولان جرآنطه تبلیغی کافیدر.

فقره ۶ — اخبار مجبوریتده بولونان کیسه‌نک بوخبری کاتب عدل معرفتله تبلیغ ایتدیرمسی لازمدیر.

[واضع قانونمز بو فقره‌ده پروژهدن تماماً تبعاًد ایلشدر]

فقره ۷ — بیان اولونان مدت ظرفنده اخبارنامه کوندرمه‌ین شخصک حق ساقط اولماز.

[بو فقره‌نک مناقشه‌سنه مرور زمان بحثده تماس ایده‌جکم]

فقره ۸ — وظیفه اخباری یفاده تکاسل کوسترن شخص بوندن متولد ضرر وزیانی ضامن اولورسه‌ده بو ضرر وزیانک مقداری پولیچه‌نک بدنی تجاوز ایده‌مز.

روژه‌نک مرور زمانه متدائر ۸۲ نجی ماده‌سی اطرافنده‌کی مذاکرات داها شایان دقتدر. فی الحقیقه :

۱ — موسیو لیون قان فرانسه محاکمی ایله محافل تجاریه‌سک اولباده‌کی طلبارینه بناءً فقره ثانیه‌ده‌کی آلتی آی مدتک بر سنه‌یه ابلاغی مصرأ طلب ایتشدر. فقط آلمان مرخصی موسیو (سیمونس Simons) قطعاً بوکا طرفدار اولمایور. اونک فکرنبجه فرانسه‌نک تکلیفی پولیچه داینلرینک لهنه‌در. فقط عینی زمانده مدیونلری‌ده دوشونمک مجبوریتی واردر. ماده‌نک ایکنجی و اوجونجی فقره‌لرینه نظراً آلتی آی مدت هر جرآنطه ایچون آیری آیری جریان ایده‌بیله‌جکندن اون جرآنطه‌نک موجودیتی فرض اولونورسه مرور زمان مدتی بش سنه‌یه بالغ اولور. بو، پک فضله‌در. قالدی‌که آلمان قانونلرینه نظراً اوروپاده تأدیبه‌سی مقتضی پولیچه‌لر ایچون اوج ایلوق بر مرور زمان قبول اولومشدر. آلمان محافل تجاریه‌سنه بومدتاری قبول ایتدیرمک امکانشدر.

۲ — مرور زمان حسبیله کشیده‌جی‌یه و یا غاطبه مراجعت امکاتی بولامایان ایلاک جرآنطه‌لرک حقوقی محافظه ایتمه‌مک بویوک بر حقسزلوق اولدوغی وشو حالده ۳ سنه‌لک مرور زمان مدتی پولیچه‌لردن متولد بالعموم دعوالره اشمال لازم کلدیکی نقطه‌لرنده مختلف مملکتلرک مرخصاری اصرار ایتمکده‌درلر.

متعاقب جاسده مسئله يکيدن اوزون اوزادی يه مذا کره ايدیلور. مذا کرانی اداره ایدن رئیس موسیو آسهر مختلف رأیلرک اوج سؤال اطرافده جعی قابل اولدوغنی سویلد کدن صو کر اشو سؤللری تثبیت ایتشدیر :

آ — پولیچهلرده اوج سنهک عمومی بر مرور زمانک قبولی لازم کلیرمی ؟

ب — حامله بخش اولونان آلتی آیلق مدتک بر سنهیه ابلاغی ایجاب ایدرمی ؟

ج — هر هانکی بر مدیونه (جرانطه) مرور زمان مدته مانع اولق ایچون — اشکالی بالاخره تثبیت اولوناچق بر ورقه ایله — کندیسنه تقدم ایدن جرانطهیه مراجعت حقی بخش اولونالمیدر ؟

بو اوج سؤالک هر اوجی دخی اکثریتک تصدیقه اقراران ایدیور. ایشنه پروژهنک برنجی مذا کره سی بو صورته ختام بولمشدر. ایکنجی مذا کره ده ۸۲ نجی ماده نک — حقوق بین الملل قومیسئونک تصویبی ایله — شو شکلی اکتساب ایتدیکنی کوروپورز . فقره ۱ — پولیچهدن متولد قبول ایدن کیمسه علیهنده کافه دعاوی حلول وعده دن اعتباراً اوج سنه کچمسيله مرور زمانه اوغرار .

فقره ۲ — حاملک جرانطه لر ایله کشیده جی علیهنه اقامه ایده جکی دعوالر وقت معیننده تنظیم ایدیلدن پروتستو تاریخندن و « مصرفسز اعاده » شرطی محتوی پولیچهلرده دخی حلول وعده تاریخندن اعتباراً بر سنه کچمسيله مرور زمانه اوغرار .

فقره ۳ — جرانطه لرک یکدیگری علیهنه ویا بونارک کشیده جی علیهنه اقامه ایده جکلری دعوالر جرانطه نک پولیچه یی تأدییه ایتدیکی ویا قبل التأدییه علیهنه اقامه دعوی اولوندوغی تاریخندن اعتباراً آلتی آی کچمسيله مرور زمانه اوغرار .

پروژهنک اکتساب ایتدیکی بوشکل ایله تجارت قانوننمک ۵۹۷ نجی ماده سی آراسنده کی فرق پروژهدکی (مرور زمانه اوغرار) تعبیرینک لسانمزه (حق ساقط اولور) طرزنده نقل ایدیلسندن عبارتدر .

عبارة قانونیه مزده کی بو وضوحسزلق بالخاصه ۵۷۱ نجی ماده نک ۷ نجی فقره سیه بوسبتون قاریشور . فی الحقیقه مذکور فقره ده [بیان اولونان مدت ظرفنده اخبارنامه کوندرمه یی شخصک حتی ساقط اولماز] ده نیلمشدر. ۵۹۷ نجی ماده (مرور زمانه اوغرار) جمله سنی (حق ساقط اولور) شکلنده افاده ایتمش اولسنه نظراً بالضرور فقره معروضه ده کی

(حق ساقط اولماز) جمله سنك ده (مرور زمانه اوغراماز) مفهومنده تلقی ایدئلك لازم كله چكى فكرىنى احساس ایدیور. و مشکلاتك برنجی اساسی بورادن باشلايور.

ایکنجی مشکلات منبى مرور زمانك تعیین مبدأنده مندبجدر. فى الحقیقه كرك پروژده و كرك قانونمژده مرور زمانك مبدأى ایچون ایكى مختلف اساس قبول اولونمشدر. برنجی اساس — مخاطب ایله كشیده جی یه قارشى جریان ایدمك اولان مرور زمانك مبدأى حلول وعده تاربخیدر.

ایکنجی اساس — جرائطه لك یكدیكری علیه اولان حق مراجعتلرینك مبدأى یا وقت تأدییه و یا اقامه دعوى تاربخیدر.

كورولیور كه برنجی اساس ثابت و ایکنجی اساس متحولدر.

موضوعى تصدیق ایدن بوايكی مشکلاتدن برنجیسی یالکز بزم قانونمژده موجوددر. نه لاهی پروژده سنده ونده تدقیق ایدم بیلدیكم قوانین سائرده بو یولده برالتباس دعوت ایدمك تعبیره تصادف ایدمدم. مع هذا بو مشکلاتك جدی بر تحلیل حقوقى مواجهه. سنده برطرف اولابله چكى ظن ایدیورم. دییه بیلیركه تجارت قانونمژك ۵۹۷نجی مادهسى اولبایده كى سرلوحه لك دلالتندده مستفاد اولاجنى اوزره صرف مرور زمانه عائددر. بناء علیه مذکور مادهده كى (حق ساقط اولور) جملهسى (مرور زمانه اوغراماز) جمله سنك مرادفیدر. حالوكه ۵۷۱نجی ماده عدم قبول و یا عدم تأدییه حالنده حامله و جرائطه متوجه و جائب قانونیه بى تعداد ایدیور. دیمك كه بو مادهك مرور زمان بختی ایله بر علاقهسى یوقدر. شو حالده ۵۷۱نجی مادهده كى (حق ساقط اولماز) فترهسى — خلافتیه هیچ بر قرینه بولونمادینى جهتله — (حق ضایع اولماز) معناسنه كلیر.

دیكر طرفدن ۳ سنه لك مرور زمان عمومى برماهیتى حائزدر. چونكه پولیچهده مدیون اصیل قبول ایدن كیمسهدر. كرك كشیده جی و كرك جرائطه لك پولیچهده كى وضعیت حقوقیه لری تماماً فرعیدر. یعنی داها آچیق بر تعبیر ایله كشیده جی، حامله مخاطبك بو پولیچه بى قبول و تأدییه ایدمك بى تأمین ایتمش دیمكدر. بوراده تأمیناتك معناسى كفالت اولور. دیمك كه كشیده جی كفیلدر. جرائطه لره كلنجه بونلرده جیرو ایتدكلى شخصه عینى تأمیناتى و برمش عد اولونور. حلول وعده دن اعتباراً ۳ سنه مرورنده آرتیق مدیون اصیل اولان مخاطبه امکان مراجعت قالمایچه كفیلهده مراجعت ایدیه من.

ایشته شو ملاحظات ایله دوزخوردن دوزخویه لاهی پروژه سنک قبول ایستدیکي اساساره کیرمش اولورز .

شیمدی مرور زمان مبداءك تحولدن متولد مشکلاتك صورت حلنه کچلم :

ایضاحات سالفهك تولید ایستدیکي نتیجه حقوقیه شو اولور :

برپولیچهده کشیده جی، حامل و مخاطب اولق اوزره لاقول ۳ شخص موجوددر .
حامل، پولیچه نی باشقا برینه دورایدهرسه جرانطه اولور وهرحاملک صفق پولیچه نی دور ایستکجه جرانطه یه انقلاب ایدر .

واضع قانون بواشخاصی مرور زمان نقطه سندن عینی موقعده طومایور :

آ — مخاطبه قارشى ۳ سنه

ب — کشیده جی به قارشى ۱ سنه

ج — الك صوك جرانطه یه قارشى ۱ سنه

د — جرانطه لك یكدیكرینه قارشى

ه — کشیده جی به قارشى

حلول وعده تاربخندن اعتباراً

۶ آی اقامه دعوی تاربخندن اعتباراً

فقط بواشخاصك ایچنده مخاطب مدیون اصل، دیگرلری کفیل متسلسلدر . پولیچه بدلی مخاطبدن ماعدا هرکیم تأدیه ایدهرسه ایتسین حکم ده کیشمبور (ماده ۵۷۳) .
مسأله نی ساده لشدیرمك ایچون مخاطبك پولیچه نی قبول ایستدیکنی فرض ایدلم .
حلول وعدهده پروتستو ایله آکلشلدی که مخاطب پاره نی تأدیه ایتبور .

بوتقدیرده واضع قانونك حامله بخش وتحمیل ایستدیکي وجائب وحقوق واردر :
وجایی : ۵۷۱ نجی ماده موجبجه اخبار مجبوری،

حقوقی : مدتی ظرفنده مخاطب، جرانطه ویا کشیده جیدن اقامه دعوی ایده بیلسمی .
حاملک اخبارات قانونیهده بولونمادیغنی وحلول وعدهدن اعتباراً تام ۱۱ بحق آی

صوکره کندی جرانطه سی علیه اقامه دعوی ایستدیکنی تصور ایدلم :

بوضعیت قارشیسنده مدعی علیه آلتی آی ظرفنده کندی جرانطه سی و ۱۵ کون ظرفندهده کشیده جی علیه برینه اقامه دعوایه حق واردر . مدعی علیه بواون بش کون ظرفندهده کشیده جی علیه دعوی ایدهرسه آرتیق کشیده جینك پولیچه بدلندن دولای مرور زمان دفعنده بولونماسه امکان قانونی قالماز (ماده ۵۹۸) .

فقط الك صوك جرائنه اولان مدعى عليهك كشيده جى ايله كندى جرائنه لرى عليه
اقامه ايتديكى دعوى نتيجه سنده اخبارده كى تكاسلدن دولايى مطلوبى استيفا ايده مزسه
حامل عليه ۵۷۱ نجى ماده نك صوك فقره سى موجبجه ضرر وزيان دعواسى اقامه
ايده بيلير .

حامل اخباراتده بولوندوغى تقديرده عدم قبول ويا عدم تأديه كيفيته مطلع اولان
كيمسeler ۵۷۳ نجى ماده موجبجه حقاريتك تأمينى ضمانتده توسلات قانونيهده بولونا بيلير .
فى الحقيقه ماده مذكورهده [برپوليچه نى كشيده ويا قبول ويا جبرو ايدهن يا خود پوليچه
آوال ويره ن كيمسeler حامله قارشى كفالت متسلسله صورتيه مسئولدرلر . پوليچه حاملى
بونلرك پوليچهده كى مراتبى نظر دفته آلمغه مجبور اولقسزين جله سى عليهنده منفرداً
ويا مجتمعاً اقامه دعوى حقسه مالكدر . عيى حق پوليچه بدلنى تأديه ايدهن هر صاحب
امضا ايچونده واردر] ده نيلير .

اشبو بندك صوك فقره سى فرانسه قانوننك ۱۶۴ نجى ماده سنك فقره ثانيه سندن
اقتباس اولومشدر :

La même faculté coute pour chacun endosseurs à l'égard du
tireur et des endosseurs qui le précédent.

كشيده جى ايله كنديسنه تقدم ايدهن جرائنه لره مراجعت حقى هر جرائنه ايچون
موجوددر .

كوروليور كه مرور زمانه متداثر اولان ماده مستقلاً نظر دفته آلمانز ، پوليچه لره
متعلق احكامك هيئت عموميه سى برلكده تدقيق ايديليز وبالخاصه مأخذلر تحليل اولونورسه
۵۹۷ نجى مادهده كى تناقض ظاهرى برشكل آليز .

بناءً عليه واقعا قانونده هر جرائنه ايچون عليهنده اقامه دعوى اولوندوغى تاريخدن
اعتباراً ۶ آيلق بر مراجعت مدت ويريلىشدر . فقط بومدت قانونك هيئت عموميه سندن
مستفاد اولان حكمه نظراً هيچ بر زمان عمومى مرور زمان مدتلىرى (۱ سنه ويا ۳ سنه)
كچه مز . جرائنه نك عددى نه قادر چوق اولورسه اولسون قانونمترك وضع ايتديكى
مهقانيزمه بو ۶ آى مهلك بر سنه ويا اوچ سنه آراسنه تداخلى استلزام ايدهر .

موضوعك اتمامى ايچون بر مسأله ده داها تماس لازم كليور .
۵۹۷ نجى مادهده كى مرور زمانك تعيين مبدأى ايچون ايكى مختلف اساس قبولنه

نەدن مجبوریّت کورولدی؟ جرائناتلار یکدیگری علیهنه اولان دعواری ایچون دە حلول وەده مبدأ اتخاذ اولونامازمیدی؟

بالطبع اولونابیلیردی. فقط اونو تمایلم که تجارت قانونمز سندات تجاریه فصلانی لاهی پروژه سندن آمشدر. بو پروژهئی مختلف دولتارک مثلارندن مرکب بر هیئت احضار ایتشدی. بناءً علیهنه دولتک قوانین مرعیه سنه حاکم اولان اساسلارک ایزلرینه بو پروژه ده تصادف ایدیله چیکی طبعیعدر.

بر کره مخاطب، کشیده چی و جرائناتلار لهلرنده کی مرور زمانک علی الترتیب کیتدجه قیصالمسی اساسی قبول اولوندقدن سوکره بونک طرز افاده سنده هر دولتک نقطه نظرینی نظمین ایده جک شکلر آراشمدر. ایشته مرور زمانک مبدأنده کی تخالفک ده بورادن متولد اولدوغنی ظن ایدیورم. تدقیقاتمک نتیجه سی بوندن عبارتدر.

احمد اسعد

اسویچره ده

اجرا رئیس:

احمد رفیع

اجرا تعقیباتی شکلری و متفرع حکملری

اسویچره اجرا حکملری تدقیقلرندن:

— ۳ —

اجرا تعقیباتی شکلری و متفرع حکملری

اسویچره فەده رال اجرا قانونی [۹۲۵ تاریخنه قدر تعدیلاتلی ۱۱ نیسان ۱۸۸۹] بورج ایچون تعقیبات حقنده اوچ شکل کوستر:

۱ — افلاس طریقله تعقیبات

۲ — حجز صورتیله تعقیبات

۳ — رهنک صالتسیله تعقیبات

رهنه تأمین ایدلش اولان امتیازی بر آلا جفک تحصیلی ایچون رهنک صالتسی؛ معین بر مال حجز ایدرک حقک آلمسی دیمک اولدیغندن ایکنجی اساسه ادخال اولنه بیلیر.